



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1735. usque ad annum 1737

Fleury, Claude

Augustæ Vindelicorum [u.a.], 1786

VD18 90119347

§. 53. Epistola Clementis XII. Papæ hac in caussa ad Archiepiscopum atque
Electorem Moguntinum data.

[urn:nbn:de:hbz:466:1-67868](https://nbn-resolving.org/urn:nbn:de:hbz:466:1-67868)

Sæc. XVIII.

A. C. 1735.

jam dudum meliori fato situque Evangelicorum res procul dubio apparebit & turbis quæ sacris Religionique ab omni parte minime quid ominari videntur, rite sopitis, expectata tandem quies cito redibit. De cetero vobis Propensione & Benevolentia Regi manemus faventissimi, divinæ tutelæ vobis etiam atque etiam commendantes.

Ingens sane horum fervor, & laudabilis etiam, si causæ æquitas concurreret!

§. LIII.

Epistola Clementis XII. Papæ hæc in causa ad Archiepiscopum atque Electorem Moguntinum.

Enimvero Protestantes coelum & acheronta movebant, ut invisam sibi clausulam ex Albo Constitutionum Imperii deleri obtinerent, e contrario Catholici Principes vero Religionis zelo animati nil intentatum relinquebant, ut omnia in eo statu, quo vi hujus clausulæ erant reducta, remanerent; iniquum enim reputabant, Protestantibus id indulgeri, quod ipsi Catholicis nullo pacto concedi volunt; cum enim per pacem Westphalicam in Protestantium favorem innumera bona

Ecclesiastica Catholicis adempta & in plurimis locis Religionis Catholicæ exercitium exulare jussum sit, Protestantes vero ad iteratas fervidasque Catholicorum preces sub obtentu pacis solemnibus, nullo pacto violandæ nec pungen-
 turæ restituere; aut minimum de articulis pacis in favorem Catholicorum abrogari velint, immerito a Catholicis petere possunt, ut quæ per clausulam duobus publicis æque ac solemnibus pacis tractatibus in favorem Catholicorum statuta sunt, abrogentur. Hæc erat mens & sententia omnium ferme Catholicorum Principum ac Regum: Solus tamen Franciscus Ludovicus Comes Palatinus & Archiepiscopus Moguntinus S. R. I. Elector ad abrogandam hanc clausulam inclinare videbatur: id vero dum innotuit summo Pontifici, eundem mox die decima quarta Aprilis, ut salutarem hanc clausulam omnino salvam conservari curaret, serio hortabatur, transmissa ad eum hac epistola:

Sæc. XVIII.
 A. C. 1735.

Venerabilis Frater! Salutem & Apostolicam benedictionem.

Quod imposito nobis Apostolicæ servitutis oneri quam maxime convenit, assidua urgemus sollicitudine sanandi Ecclesiæ vul-

T 3 *nera*

Sæc. XVIII.

A. C. 1735.

nera, ubi aliqua opportuna curationis
 fulgere spes videatur; Quam ob rem post-
 quam Ratisbonensis Conventus duos ante
 annos, quarto Ryswicensis Pacis Articuli
 neglectui habito, Catholicam Religionem
 non paucis Germanicæ locis, quo postlimi-
 nio redierat, exulare iterum jussit, nun-
 quam conquiescere animo nobis licuit. Quo-
 querelarum, admonitionum officiorumque ad-
 hibuerimus, ut eam ab inclyta vestra gente
 procellam declinarem, Fraternitati tuæ non
 est ignotum, cui hac de re literas dedimus.
 Voluere tunc alii, ne quærendo remedio im-
 penderent operam, excusare turbulenta Re-
 publicæ tempora, alii belli necessitatem.
 Nunc autem, cum Pax, jactis jam funda-
 mentis cito coalitura sit, eademque proinde
 excusatio valere nequeat, abs te majore
 in modum petimus, ut vehementer con-
 tendas pro tua Ecclesiastica atque Electori-
 li authoritate ut quartus ille Ryswicensis
 Articulus integer perseveret, quin & nova
 præsentis Pacificationis lege confirmetur ve-
 lut in Badensi apud Helvetios Congressu
 gestum fuit, si secus accideret (quod omnia
 Deus avertat) doleremus utique, ac mira-
 remur plus exterorum sedulitatem petiisse,
 ad revocandam in eo loco veram fidem,
 quam domesticorum ad retinendam, quan-
 tum in nobis, & in Romana sede auxili-
 esse queat in tanto gravitatis negotio,
 tantum ultro spondemus.

Incla-

Inclamamus præterea huic malo, priusquam obsirmetur, medicinam fieri oportere; Nolumus enim alienam culpam, in Curia aut silentio nostro dissimulatam in nos transferre, quod ut nec ipse careas paterna benedictione tibi Venerabilis Frater permanenter impertimur.

Sæc. XVIII.
A. C. 1735.

§. LIV.

Archiepiscopi Moguntini responsum ad præfatas Clementis XII. Papæ literas.

Acceptis hisce Papæ literis Archiepiscopus atque Elector hac super re mentem suam sincere aperuit, & Moguntia die quinta Junii hæc Clementi XII. respondit:

Beatissime Pater!

Exhibuit Sanctitatis vestræ venerandum Breve die decima quarta Aprilis nuperi assiduam suam, qua pro conservatione Articuli IV. Pac. Ryswic. urgetur sollicitudinem concomitante quadam indignatione de neglectu a Conventu Ratisbonensi, ante duos annos desuper habito proindeque ardentius instando, ut prænumeratus Articulus integer maneat, quin & nova præsentis Pacificationis Lege confirmetur; Placeat autem sanctitati vestræ ex devotissima mea responsione

T 4

die